

麻城縣志卷三十八

大事記二

國朝

世祖章皇帝順治元年甲申

二年乙酉

詔免大兵經過地方正糧一年歸順地方免三分之一

五年戊子故明江西金聲桓據省城風聞江北縣民周承謨

一等因從北鄉倡亂由東南山綿亘及英霍揭竿山谷間

知縣徐鼎請兵討平之

麻城縣志

卷三十八

大事記  
國朝

一

八年辛卯麻城訛言有

旨贖僕如前明時梅鈿家僕方繼華等歛金囑蠹借廢宦

一 包占丁糧呈控撫院批行復串黨條列主僕九款知縣

徐鼎為蠹所誤榜揭三日凡邑中臧獲挾退殆盡遂成

大變縣人周損密揭羅總督行牌體察諸生王元凱鄒

惺梅鈿田奕埏等赴省懇變會審讞明麻城丁糧花由

糧從田攤丁隨糧派向無包免將方繼華等七人按律

正法餘黨復亂絕家長王士杰一家五命眾逼城下時

巡按入境檄巡道提兵靖亂疏入徐鼎去官因頒

國朝律例奴僕有

勅賜陣獲家生價買四項四境主僕遂定

九年壬辰旱斗米銀五錢有

詔免本年租稅三萬七千有零十分之二

十年癸巳東山李有實等復倡亂知縣王潞蒞任招安解赴

交阮洪標下效用復入荆西山圖功自贖被殺膺

卹典又有李集桂熊東泉等之亂皆勦平之

十一年甲午有

詔豁免六七兩年民欠租稅

麻城縣志

卷三十八

大事記  
國朝

二

十四年丁酉旱有

詔發積穀以賑之

十七年庚子有

詔蠲免十二年至十五年民欠租稅

十八年辛丑旱

聖祖仁皇帝康熙元年壬寅有

詔蠲免順治十五年以前未徵租稅

三年甲辰有

詔蠲免二年水災十分之三

四年<sup>乙巳</sup>有

詔蠲免順治十八年以前各項舊欠租稅

六年<sup>丁未</sup>蝻害稼

七年<sup>戊申</sup>五月大水衝圮城墻二十餘丈

十年<sup>辛亥</sup>大旱有

詔免本年租稅十分之三

十三年<sup>甲寅</sup>鮑世榮周鐵爪萬野于僧頓徹等作亂據龜峯

山黃岡何士榮陳于藻等應之據東山時大兵討叛藩

吳逆駐軍荆岳間同知于成龍同把總羅登雲率鄉兵

麻城縣志

卷三十八

大事記

三

禦之協鎮王宗臣鎮蕪水遣千總李長武把總吳國禮

領兵赴援至黃土岡遇賊官兵據險劄營賊雖眾而烏

合無律官兵至倉皇出應數千人盡持火鎗一呼齊發

後復無繼成龍在山上望見麾官軍同鄉兵蹙之國禮

中火鎗戰歿賊目何士榮就縛陳于藻降得賊偽印及

劄付各名册按名追捕無遺者東山賊平 府志

按澤州陳相國所撰于公本傳畧公以崇禎己卯副

車充貢入國朝仕羅城令遷合州未幾用卓異遷

黃州同知鎮岐亭康熙十三年檄攝武昌事時撫軍

張朝珍甚信公會東山之亂朝珍語公曰極知君勞

且屈然黃州忽有此變非公莫可辦賊公曰國恩

至重公知遇最深敢以區區去就避患自逸哉但黃

州東連廬皖北接光固據三省形勝控制七十二寨  
其人剽悍善鬪阻險跳梁難以猝勝若公見委須便  
宜行事方敢受命朝珍大喜自起酌公曰君肯任事  
吾無憂矣勦撫一以聽君問需兵幾何公曰風烟震  
驚徒以兵從賊眾我寡反適資亂以前守蒲圻數人  
與俱足矣遂嚴裝以行初東山之亂也妖人黃金龍  
詭言得天書寶劍來往興寧山中煽誘愚民守道徐  
君惺往解散其黨金龍亡匿黃麻劉君孚家君孚黠  
猾多智數收召亡命亦數數能禽獲盜賊守長令牧  
多其能每撫而用之公鎮岐君孚亦嘗居門下憚公  
威明頗以禮法自戢及後得滇逆偽劄書遂與金龍  
潛結河南賊渠譚以從周鐵爪江西楊寡婦又連英  
六商固數邑大盜私立將軍元帥諸名目眾號十萬  
約以七月起事會麻城人欲因以陷其仇家君孚恐  
遂以五月望反於曹家河擁眾數千人黃守將王宗  
臣率所部兵駐興福寺麻城令屈振奇率鄉勇駐白  
果約日進攻君孚夜遣七騎斫黃將營鄉勇亦自潰  
退保麻城賊勢甚張而劉青黎鮑世榮陳恢恢李公

麻城縣志

卷三十八

大事記

四

茂等諸盜所在蜂起公行次陽邏偵知君孚雖反以  
眾未合猶豫持兩端遂兼程抵白果未至賊寨十里  
止宿榜示士民脇從者許自首免罪勢家誣陷者即  
日赴訴官吏不得按捕過三日不投訴以從賊論於  
是投訴者日干計公皆宥之賊勢轉孤君孚及其黨  
素服公恩信聞公來皆莫有鬪志欲即降恐見誅惟  
擁眾自固公度君孚倉猝舉事違其始謀及眾未聚  
或可就撫若緩旬日黨合眾集則難為圖矣遂命白  
果鄉約一人持諭帖往布太守待以不死之意度持  
帖者已至賊所公則獨騎一黑驃命鄉約一人張蓋  
一人鳴鑼前導徑趨賊寨未至二里許命鳴鑼前導  
者行呼太守來救爾山中且鳴且呼君孚不虞公  
自來倉皇匿後山令數百賊持鳥鎗弩矢夾道伏兩  
傍望見公皆燃火控弦擬向公公佯不為顧鞭驃直  
前賊亦卒不敢發前至寨門門開公徑入抵賊舍下  
驟即廳中坐眾賊環列其黠者則相率羅拜公問老  
奴安在老奴指君孚也公佯恨之以睨眾且舊居麾  
下眾對以有事暫出少時宜可至公問今歲山中雨

水好否禾稼何若汝良民何敢作賊自取屠戮天時  
酷熱如此汝等父母妻子皆藏匿何所得無自苦眾  
皆泣公曰熱甚須少憩令一賊為脫鞵一賊取水來  
公滿飲數賊支榻揮扇眾賊四向拱立公熟睡鼾聲  
如雷賊皆驚移時寤因謾罵君孚老奴何為久不出  
豈有客至不設酒脯者君孚初意公必以兵來且懼  
見給故深自匿及見公推誠無猜遂出叩頭訴所以  
激變之故公乃為開陳利害順逆許以招撫與約日  
而還至月盡降其眾數千人黃麻數縣皆解嚴朝珍  
上其事於 朝還公職再命知武昌事朝珍檄公留  
麻城公親歷村堡度地形所宜分立區保擇謹厚者  
為區長置烟民籍凡有勇力有烏鎗兵械者籍其人  
區長統之有警則各以其械來會踪跡不軌者區長  
立白誅逐敢容隱及不實與同罪於是凡前與君孚  
金龍潛結為賊者皆為烟民皆樂為公用秋七月經  
畫有緒行還武昌當是時金龍留君孚所君孚既無  
所用金龍因縱之逃與紙棚河賊鄒君申合公已次  
岐亭移檄東南區長按籍徵得二千人率門下諸生

麻城縣志

卷三十八

國朝 大事記

五

數人督兵進討駐望花山君申初謂公已還武昌今  
忽聞以兵來大驚退保山寨公策賊新反未獲食少  
利在速戰而我兵驟集攻之未必即克困之則將自  
潰分遣一軍守象棋山一軍守大崎山一軍守布袋  
坳度賊走必經黃岡獨馬鞍山一路不守而陰伏兵  
嶮峽間君申金龍果以糧絕夜走馬鞍山遇伏盡禽  
公坐山上受俘金龍縛急欲以妖術遁公手劍叱之  
術不得施遂斬其首捷至武昌朝珍持露布示寮屬  
曰人謂我不應用醉漢今定何如公食無兼味獨于  
酒無量臺司皆聞知嘗與大吏抵掌論事大吏觴公  
公飲輒數十巨觥露幘揜袖酡顏曠目而語吏人皆  
竊笑公酒狂及往東山或以為言故朝珍云然也疏  
聞晉級八月調守黃州時荆岳兵事急公外輸供億  
內靖奸宄郡壤以寧十月江西賊犯湖口旁掠興寧  
蕪州戒嚴又滇逆密布偽劄湖北復大亂陳鼎業合  
逃兵掠驛馬反陽邏何士榮反永甯鄉劉啟業反石  
陂周鐵爪鮑世榮反白水販各擁眾數千人遙連湖  
口甯州諸賊約以十月上旬取黃州遂及武昌漢陽

高山大湖烽火相望城門皆晝閉墟里寂無人各鎮  
援兵悉隨大軍進攻湖南黃州吏民才數百人至不  
能備闔析議者欲棄黃州退保麻城公曰黃州為湖  
北七郡門戶我師屯荆岳者數十萬水陸轉運取道  
于此且瀕江而城控制阻險前倚興寧廬阜後壓天  
堂金剛諸寨雖祇一郡實東南關鍵釋此不守則荆  
岳有狼顧之虞七郡成瓦解之勢所繫非僅一城已  
也吾誓死不去此然吾坐因以待不若相機進勦猶  
可僥倖以圖存賊勢雖眾皆取士榮進止若先破士  
榮餘可不戰而下于是遣門下諸生徵集各區鄉勇  
又分守山險令逃民不得入合賊別遣黃岡令李經  
政禽鼎業父子陽邏遂平十一月二日率諸生及吏  
卒二十二二人前進次路口村四日次段家店黃協千  
總李茂昇把總羅登雲吳之蘭以所部五十人來會  
各區長讀公檄皆感憤流泣召集鄉勇告以同仇之  
義前來會者有眾二千人于是立什伍標旗幟號令  
明整卒如素習部署甫定謀報士榮已據黃土坳公  
遣登雲偕武舉張尙聖以偏師往偵自率大隊進發

麻城縣志

卷三十八

大事記

六

七日尙聖等遇賊前鋒與戰賊小卻公疾馳抵尙聖  
營眾見公來歡噪請賞公徒手無以應惟摩其耳鼻  
撫其項臂慰勞獎勸眾感激士氣益增下春鄉勇大  
集有眾五千人營宿金寨下與賊對壘八日黎明士  
榮賊數萬人自牧馬厓分東西兩路夾攻我師賊皆  
手揮紅雜色旗照耀山野公匹馬仗劍當營門立見  
東路賊少命登雲率千人禦之自以大軍其西命尙  
聖攻右之蘭攻左公衝其中堅戰甫合之蘭中鎗死  
賊鬪益急鳥鎗雨集礮火著處皆穿左右勸公盍少  
避公叱之曰今日吾死日也敢言退者斬我軍見之  
蘭死又被傷者眾少卻而鎗金寨後民素為賊誘見  
我軍卻鼓掌謹諱皆于袖中出小紅旗相摩麾公見  
勢益急鞭馬徑前迴顧茂昇曰我死可歸報張公茂  
昇恐失公曰豈有文官死而武官獨生之理彎弓直  
前發一矢翦其大旗我軍少進茂昇馬被鎗馬倒茂  
昇步射殺二人鎗洞衷甲換馬進戰短兵相接復手  
刀數人而尙聖自右山繞出賊後我軍急擊盡搦其  
旗賊遂大敗士榮手長矛殿後左臂斷猶力戰陷泥

中遂被禽登雲擊賊東路亦追奔數十里是役也斬  
馘數干山谷填溢溪水盡赤獲軍資器械無算檻送  
士榮撫軍所公見賊名籍立焚之眾心以安乘勝進  
至呂王城茂昇等欲少息公曰白水石陂諸賊本以  
士榮爲盟主今士榮既禽諸賊膽落捲甲疾趨將自  
崩解所謂破竹之勢不可失也若淹留晷刻賊備既  
深據險致死非計之得矣時諸營才午炊公命盡覆  
其釜以進據鞍草檄有能禽賊來獻者重賞投誠者  
待以不死脇從欲歸白者但閉門坐家惟擾鋤無鳥  
鎗軍器者卽從賊概不追問身無鄉勇印號家藏兵  
仗卽良民亦誅死于是眾賊聞士榮被禽旣大悔懼  
及得檄書又知毀其名籍一時解散畧盡師至白水  
馭鐵爪世榮等尙有親兵數百人欲保什子寨公已  
先令人守隘不得上脫身走君孚十一日軍定惠寺  
遣追盡禽之而石陂等賊亦皆平公駐黃市撫戢軍  
民東山大定散各路鄉勇歸農勒石黃市旗亭間班  
師而還自出軍至是僅二十四日以鄉民數千破賊  
數萬不費公家半菽不煩師旅遠征徒手奮身摧鋒

麻城縣志

卷三十八

大事記

七

陷堅不疾而速克奏膚功近世以來未嘗有也

是年旱災有

詔著照分數蠲免

十八年己未旱災奉

詔著照分數蠲免

二十五年丙寅旱災有

詔蠲免租稅之半

二十八年己巳奉

詔蠲免餘項租稅

二十九年庚午旱災有

詔蠲免租稅之半

四十四年乙酉有

詔蠲免四十五年民欠凡地丁銀米舊欠未完者並停輸

納

四十五年丙戌有

詔蠲免四十三年以前未完銀米

五十年辛卯

詔蠲免五十一年並以前舊欠凡本年地畝人丁銀並歷

麻城縣志

卷三十八

大事記  
國朝

八

年舊欠俱著免徵

六十一年壬寅八月大水衝城垣百餘丈壞民居無數

世宗憲皇帝雍正元年癸卯積雨無麥苗

二年甲辰四月縣鷄翅遍生人指

四年丙午

詔發帑銀採買穀石凡省倉及府州縣應貯之處加謹收

貯

八年庚戌有

詔蠲免湖北九年分租稅四十萬兩



高宗純皇帝乾隆十年<sub>乙丑</sub>奉

詔蠲免湖北十三年分應徵租稅除漕糧項外其地丁銀米一概免徵

十五年<sub>庚午</sub>六月連旬大雨山墜洪石近山居民多被冲壓

二十四年<sub>己卯</sub>六月二十七日大水高阜盡淹

三十五年<sub>庚寅</sub>七月縣東北飛蝗入境官民力捕之患遽息

十二月二十日卯時地震

四十年<sub>乙未</sub>二月十四日雨豆

四十三年<sub>戊戌</sub>大早有

麻城縣志

卷三十八

大事記  
國朝

九

詔蠲賑緩徵是年太平仙居二鄉五十三區被災七分田地塘六千二百六十二頃七十畝五分二釐

詔發帑三萬一千八百七十四兩七錢七分五釐蘄州撥動縣倉穀一萬一千四百十五石八斗五升賑濟極次

饑民貧生二萬五千七百二十五戶男婦大口八萬八千九百五十六口小口二萬八千八百五十四口蠲免

民賦地丁錢糧及南糧正耗米石折徵等銀四千一百三兩七錢九分四釐隨同正項蠲免耗羨銀四百五十

一兩四錢一分七釐應徵蠲剩銀兩緩作二年帶徵

五十年<sup>乙巳</sup>旱災有

詔賑卹蠲緩是年太平仙居亭川鄉一百二十區被災八分九分田地塘八千五百二十七頃五十三畝九分

詔發帑一十一萬九百七十九兩八錢二分五釐撥動縣

倉穀六千石賑濟極次饑民貧生三萬九千六百四十

三戶男婦大口一十五萬八千六百七十一口小口七

萬二千八百一十一口蠲免民賦地丁稅租及南糧正

一耗米石折徵等銀一萬五千六百六十三兩二錢一分

一六釐隨同正耗蠲免耗羨銀一千七百二十二兩九錢

麻城縣志

卷三十八

大事記二

十

五分四釐應徵蠲剩銀兩緩作三年帶徵

五十一年<sup>丙午</sup>大旱八月飛蝗彌空半月乃止

五十二年<sup>丁未</sup>四月初二日飛蝗遍野集地厚一寸許旋即

自斃

五十四年<sup>己酉</sup>秋豺虎四出食人附郭鬼神壇牛棚山數食

人鄉村夜無行者歷冬乃止

六十年<sup>乙卯</sup>大旱民多饑死

嘉慶二年<sup>丁巳</sup>川省教匪起匪首齊二寡婦至安邑意圖竄

一麻時無雨河水陡漲匪遂轉竄咸稱隔河遙見有人長

數丈持梃乘馬往來眾知爲福主顯靈云

七年<sup>壬戌</sup>大旱沿城街巷無故火起人心驚惶各家置貯水器具

八年<sup>癸亥</sup>旱饑本城紳士派米賑濟饑民

十二年<sup>丁卯</sup>九月十二日地震

十八年<sup>癸酉</sup>大旱斗米干錢

二十年<sup>乙亥</sup>大水衝壓田地無算

二十四年<sup>己卯</sup>旱

道光四年<sup>甲申</sup>旱

麻城縣志 卷三十八 大事記 十一

七年<sup>丁亥</sup>七月月望巖龍起直上雲霄眾目共睹

十一年<sup>辛卯</sup>大水衝壓田房無算

十二年<sup>壬辰</sup>大水鄉民乏食競爲搶奪知縣李紹元峻法平

之

十四年<sup>甲午</sup>正月十五墩陽區磨石岡巨石裂成數塊有聲

如雷

十五年<sup>乙未</sup>旱蝗因春麥大熟民無饑色

二十年<sup>庚子</sup>三月二十六日雨雹

二十一年<sup>辛丑</sup>大水冬大雪深數尺





各處守隘練長則有夏京汪公極丁奇生田穀伯熊  
公飛余公俊夏仲昆張輝吉何升安毛翊長童貴卿  
陳益之汪正緒丁期生余君榮高巨卿舒楚玉王克  
明王方遠毛鱗長董建蕭士葵劉啟楨董錫董天祿  
蔡作楫蔡得春尹公才鄒益能袁興明何見子劉以  
廷周伯卜羅甸臣林斗文余仲信陳玉環施之瑞甘  
勝左先等均與有勞爰備書之以存其實云